

Kedutaan diarah tangkis laporan negatif terhadap Malaysia

17 MAY 2002
DARI MUKA 1

WASHINGTON, Khamis - Malaysia, yang sering menerima liputan negatif oleh media antarabangsa sehingga dipandang serong oleh kebanyakan negara asing, perlu mempunyai mekanisme untuk memantau dan menangkis pandangan itu, kata Datuk Seri Dr Mahathir Mohamad.

Perdana Menteri berkata, fungsi itu boleh dimainkan oleh Kedutaan Malaysia untuk mengumpul maklumat bagi kegunaan kerajaan di samping memberi nasihat bagaimana suasana yang timbul akibat laporan buruk sedemikian boleh ditangani.

Berucap merasmikan bangunan baru Kedutaan Malaysia di sini semalam, beliau berkata. Kedutaan Malaysia di sini khususnya, mempunyai tanggungjawab lebih berat dalam usaha ini berikutan bandar raya ini adalah ibu negara kuasa terbesar di dunia.

Oleh itu, katanya, amat penting bagi Kedutaan Malaysia di sini dapat meniaai pengaruh laporan media antarabangsa mengenai negara ke atas pembuat dasar di Washington.

Media sememangnya boleh mempengaruhi pemikiran penontonnya lebih lagi sekarang. Apa yang diaporkan media khususnya televisyen seperti rangkaian televisyen dunia, boleh mempengaruhi pandangan dan tanggapan penggubai undang-undang.

"Keadaan ini pua boleh menentukan hala tuju dasar luar kebanyakan negara. Malaysia, buat beberapa ketika yang lama, tidak mendapat liputan tepat dan positif kerana kerajaan dan kepemimpinannya sering melakukan atau menyatakan sesuatu yang juga tidak konvensional dan tidak disenangi mereka.

"Bagaimanapun, kini diketahui bahawa tindakan tidak konvensional ituiah yang dapat menyelamatkannya," kata Dr Mahathir.

Beliau berkata, berikutan kefahaman ramai terhadap tindakan betul kerajaan walaupun ia dianggap tidak konvensional. Lebih banyak pihak termasuk pengkritik tindakan kerajaan itu, kini menyatakan mereka memahami Malaysia dengan lebih baik.

Kompleks baru Kedutaan Malaysia berharga AS\$27.92 juta (RM106.1 juta) itu terletak di International Chancery Centre, kawasan yang turut menempatkan perwakilan Brunei Darussalam, Nigeria dan Pakistan.

Dibina oleh Percon Corporation, kompleks ini memaparkan reka bentuk Malaysia moden yang merangkumi seni bina Meiyau tradisional termasuk ukiran kayu yang ditempah khas dari tanah air. Perabot dan lukisan menghiasi ruangan daiamannya turut memaparkan imej Malaysia.

Perdana Menteri berkata, Kedutaan Malaysia di Washington amat penting bagi membolehkan negara mengetahui pelbagai perkembangan di sini supaya kerajaan boleh melaksanakan sebarang tindakan untuk menjaga kepentingan negara.

Masyarakat politik di sini terdiri daripada 171 kedutaan, 18,000 kakitangan anggota Kongres, 74,800 peguam, 38,000 peiobi berdaftar, 4,500 wartawan, pengarang dan penganalisis serta beratus-ratus kumpulan pemikir dan perunding dasar.

Kegiatan mereka memberi impak terhadap kepentingan negara dan hubungannya dengan Amerika Syarikat.

Hubungan dipulih semula kesan pertemuan PM, Bush

DARI MUKA 1

Sebelum itu, berucap pada upacara yang sama, Menteri Luar Datuk Seri Syed Abdul Hamid Aibar berkata, pembukaan bangunan baru Kedutaan Malaysia adalah satu detik signifikan kerana ia bersamaan dengan pemulihan semua hubungan politik lebih baik dengan Amerika Syarikat kesan pertemuan Dr Mahathir dan Presiden Bush sempena iawatan ini.

Beliau menganggap peristiwa itu membuka suatu lembaran baru dalam hubungan Malaysia dengan Amerika dan akan membawa kepada peningkatan kegiatan yang melibatkan kedutaan.

Kedutaan Malaysia juga, katanya, akan memainkan peranan lebih aktif dalam mempertingkatkan hubungan Malaysia-Amerika.

Sekitar 200 tetamu termasuk beberapa pegawai kanan pentadbiran Amerika, duta peibagai negara dan tokoh-tokoh perniagaan di sini, hadir.

Turut hadir Menteri Perusahaan Utama, Datuk Seri Lim Keng Yaik, Menteri di Jabatan Perdana Menteri, Datuk Dr Rais Yatim dan Timbaian Menteri Pendidikan, Datuk Abdul Aziz Shamsuddin.

Dr Mahathir kemudiannya berucap kepada kira-kira 200 peajar Malaysia, diikuti dengan dialog sebelum berlepas puiang ke tanah air melalui London, malam ini.

LHAT MUKA 2